

中國方志叢書·華北地方·第三九三號

據


清康熙十二年刊本
清康熙十二年刊本
韓文焜纂

影印

山東省

利津縣新志

成文出版社有限公司印行



10098417

中華民國六十五年

月壹一版

利津縣新志

全册

發行人：黃成助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

纂利津縣志序

我

皇清開基定鼎創制顯庸規模
宏遠海隅日出罔不率禪
真冠邁百王卓越前代

今上首出庶物萬國朝宗玉帛
執而四海謳歌車書回而
八方歸極于

龍飛之十有一載爰命儒臣纂
修天下通志以成大一統

之典章以昭千百世之金
鏡由是

撫軍張公奉

命檄徵屬志余以承乏備員來
宰茲邑緬維

先文公昌黎伯繼往開來
起衰濟溺凡廿八代而至
余先大人以蹇蹇匪躬

夾輔

與朝助在王室澤流民生余以

清白之裔於成童舞象之
年卽矢堯舜君民吾身親
見之想以求無忝所生今
效毛生捧檄竊幸躬逢其
盛甫下車卽詢諏邑志博

覽勝槩僉曰津邑之志自
前朝萬曆二十七年馮公
重修迄今逾七十餘載司
牧者鞅掌於錢穀簿書不
遑徵文攷獻蓋闕如也余

拊膺太息曰利津古渤海
編隸爲泱泱名邑自

鼎新以來時異勢殊禮樂象數
豈無因革損益者乎金穀
財貨豈無開源節流者乎

人文秀傑豈無科甲蔚興
者乎忠孝節廉豈無流芳
接踵者乎至若山川人物
賦役土田又豈無名與地
之可書事與實之堪識者

乎志何可闕乎哉嗟乎後
之視今亦猶今之視昔使
數傳而下披之者覩風俗
而知人心寓勸懲而廣風
勵接武往昔扶進來茲意

燦如矣志胡可闕乎哉余
方浩然有續貂之思而重
以

撫軍之命敢謝不敏乃度
公解卜良辰敦請邦之仁

賢邑之先達以及博聞廣
洽之士肇斯盛舉或訪之
故老或搜及殘碣或得自
伏笥家乘折衷以尚論者
之心吮毫濡墨比事屬辭

輯舊志而釐新之一倣太
史公體式循名責實劈類
分門謹嚴而無脫落詳備
而不煩冗共訂成帙用登
諸梨但剞劂工繁謹捐俸

以佐所需邑中同志竝勩
厥事自壬子徂癸丑歷寒
暑而告竣庶幾哉睹前修
而掌故如新識近代而風
規足式寧獨一時一邑之

志而已乎余將藉手以賡
聖天子一道同風之盛

康熙癸丑清和月知利津縣
事古唐韓文焜謹撰



利津縣誌原敘

不佞叨令利津時戊戌冬十月也會有國征

之役從海上輸芻粟利津當孔道于時健兒

數千雲集汀河揚言守凍實謀索餉居無何

且脫巾呼矣

不佞

單騎抵壘慰諭之衆稍戢

隨奉檄給餉冒雪夜馳者再四遂解其謀津